

'ի դատաւորէն հարցանել ցմեծամեծս այլազգեաց, որք էին անդ ՝ վնասակար իցէ թէ օգտակար շինուածքն Հայոց ՝ և ամենեքեան 'ի մի բան ետուն պատասխանի, թէ ոչ երբէք վնասակար գտանեմք, այլ մանաւանդ յօգուտ հասարակաց, և արժան իսկ է բառնալ զհակառակութիւնս դոցա և պատուիրել զի մի յարուսցին վէճս եւ կոխս 'ի վերայ Հայոց, Իբրեւ բանք եղեն եւ վասն ջրհորոյն, ետ պատասխանի ճարտարագետն, եւ ասէ՝ ջրհորն ընդ շինուածոց 'ի սկզբանէ անտի 'ի ձեռս Հայոց և ժառանգութիւն նոցա է, ոչ գիւղացիք և ոչ այլք ունին զիրաւունս: Իսկ դատաւորն յետ քննելոյ զամենայն ինչ և լսելոյ զբանս ժողովելոց անդր, և տեսանելոյ զգրեանս Հայոց, մերժեաց զհակառակութիւնս Յունաց և գիւղացւոց, և հջամայեաց առնել զամենայն ինչ ըստ որոյման ժողովոյն: Եւ Աստուածատուր Պատրիարք յետ առնելոյ զգիր հրամանի 'ի քաղաքապետէն, սկիզբն արարեալ շինեաց զորմն և ետ զդուռն: Սակայն ծանր էին պայմանքն և վնասակար որք եղան, զի գիւղացիք ոչ տային հանգիստ միաբանացն Հայոց 'ի պատճառս մեռելոց իւրեանց, այլ զկնի ժամանակաց բարձաւ և խախտեցաւ ճանապարհն եւ դուռն, զորմէ ասացուք յիւրում անդուռ, 'ի ՎՎ Րէպիլ Էվիլէ Կ Կ Կ (1652): Վանք Ս. Փրկչի վանաց գորով արտաքոյ պարսպի քաղաքին, չգերծանէր 'ի վտանգէ՝ որպէս գրեալ եմք բազում անգամ, և 'ի սմին ամի գտեալ հնարս աւազակաց 'ի գիշերի մտին 'ի ներքս, և կալեալ զմիաբանսն գան հարին ուժգին, զոմանքս վիրաւորեցին եւ զայլս վտանգեցին մերձ 'ի մահ խորտակեալ զոսկերս, մինչեւ անյոյս լինել նոցա և 'ի կենաց՝ որք էին թուով 6: Իսկ աւազակաց որոնեալ յուզեցին զամենայն սենեակս և դատարկեալ կուտեցին 'ի մի վայր զկահ կարասին՝ զոր ինչ միանգամ գտին անդ: Ապա խորտակեցին զդուռն եկեղեցւոյն և կողոպտեցին զսպասս նորին և դատարկեցին մինչեւ չթողուլ մի ինչ 'ի նմա, եւ բարձեալ զամենայն աւարն 'ի բաց գնացին անտի: Յառաջ օտեան պահու ազդ արարին զեղեպլն Աստուածատուր Պատրիարքին, և նա 'ի ձեռն թարգմանին իւրոյ ծանոց զիրս դատաւորին. և նորա առեալ զքաղաքապետն Մուստաֆայ Փաշայ եւ զմեծամեծս քաղաքին գնաց 'ի վանս